

## Skýrsla formanns

Starfsárið 2020 – 2021 hófst með krafti en í lok Janúar stóð ÆSKÞ fyrir frábæru og lærdómsríku janúarnámskeiði á á Hótel B59 í Borgarnesi. Sölvi Tryggvason hélt fyrirlestur um heilsu og hugarfar og hvernig við getum vaxið sem einstaklingar bæði í einkalífi og starfi. Við fengum góðar móttökur í Borgarneskirkju og var öll aðstaða á hótelinu til fyrirmyndar. Það er nauðsynlegt fyrir æskulýðsfulltrúa og leiðtoga kirkjurnar að hafa tækifæri til að efla sig í starfi sem og að hitta kollega sína utan dagskrár. Þess vegna höfum við sitjandi stjórn ÆSKÞ lagt mikið upp úr janúarnámskeiðinu og viljum við sjá það festa sig enn frekar í sessi í hópi starfsfólks æskulýðsstarfs þjóðkirkjunnar.

Stuttu eftir Janúrnámskeiðið fóru tveir fulltrúar stjórnar þær Jóhanna Ýr formaður og Katrín Helga gjaldkeri auk Jónínu Sifjar framkvæmdarstjóra á aðalfund European Fellowship. Stjórn ÆSKÞ hefur lagt til að tveir fulltrúar ÆSKÞ sitji að jafnaði aðalfundi EF í framtíðinni. Það er mikilvægt að sem flestir í stjórninn kynnist því áhugaverða starfi sem unnið er innan EF og aðildarfélag þess. Það var góður andi á fundinum og ánægjulegt að kynnast leiðtogum frá öðrum löndum. Í gengum alþjóðlegt samstarf á borð við EF býðst íslenskum æskulýðsfélögum tækifæri til að taka þátt í alþjóðlegum æskulýðsmótum og er það von okkar að félögin nýti sér það, til að mynda er mjög spennandi fjölskyldumót í Finnlandi í júlí 2023.

4. mars rétt áður en samkomutakmarkanir skullu á var aðalfundur ÆSKÞ haldinn. Fundurinn var vel sóttur og góðar umræður sköpuðust. Það skiptir miklu máli í starfi félagasamtaka á borð við ÆSKÞ að aðildarfélögin láti sig störf stjórnar varða og taki þátt í aðalfundi. Hvert aðildarfélag hefur atkvæðisrétt tveggja fulltrúa í kosningum. Á fundinum voru fluttar skýrslur ársins, starfsáætlun, fjárhagsáætlun og ársreikningur og eru þessi gögn aðgengileg á vefsíðunni. Ný stjórn var kosin á fundinum, í aðalstjórn ÆSKÞ: Jóhanna Ýr Jóhannsdóttir formaður, Katrín Helga Ágústsdóttir gjaldkeri, Daniel Ágúst Gautason ritari, Erna Kristín Stefánsdóttir og Hákon Darri Egilsson. Í varastjórn voru kosin: Berglind Hönnudóttir, Jens Elí Gunnarsson, Anna Lilja Steinsdóttir, Sóley Adda og Aldís Elva Kvaran.



Heimsfaraldur Covid-19 hafði að töluverð áhrif á starf ÆSKP, viðburðum á borð við Kirkjuþing ungarfólksins var frestað og litlu mátti muna að fulltrúar ÆSKP á Easter Course yrðu strandaglópar í Rúmeníu. Þá fóru flest allir stjórnarfundir sem og Landsmótsnefndar fundir ársins fram á fjarfundi.

Það má með sanni segja að ÆSKP hafi gripið hvern óvænta boltann á fætur öðrum og tekist á við þetta ástand með æðruleysi. Framkvæmdastjóri og stjórn voru uppfull af hugmyndum hvernig væri hægt að bregðast við gerðu sitt allra besta til að vera til staðar fyrir unga fólk okkar. Það má t.d nefna að ÆSKP stóð fyrir netratleikum Goose chase sem vakti mikla lukku yfir pásakana.

Sem samtök höfum við það að markmiði að efla fólk í leik og starfi og veita góða ráðgjöf. Ráðgjafarhlutverk ÆSKP er eitt af því sem við í núverandi stjórn vildum efla og vonast ég til að ný stjórn haldi áfram á sömu braut. ÆSKP býr yfir miklum mannauði sem hægt er að nýta til að hvetja leiðtoga og æskulýðsfulltrúa víðsvegar um landið. Einnig til að veita aðstoð við að efla æskulýðsstarfið í landinu. Koma þarf á markvissum samskiptum á milli t.d með áframhaldandi mánaðarlegum fundum hvort sem það er á staðnum eða í fjarfundi, símtali frá stjórnarmeðlimum eða framkvæmdarstjóra og öflugum námskeiðum eins og janúarnámskeiði ÆSKP.

Til stóð að halda landsmót ÆSKP á Sauðárkróki á nýliðnu starfsári. Við Jónína fórum í góða skoðunarferð á Sauðárkrók í júní og komumst að því sem við reyndar vissum að aðstæður og innviðir til að halda landsmót á Sauðarkróki eru eins og best verður á kosið. Móttökur voru einnig til fyrirmyndar og augljóst að Sauðkræklingar eru alvanir að taka á móti hópum sem þessum. Haldið var í vonina fram eftir sumri að mótið skyldi haldið eins og planað var. Mótinu var að lokum frestað fram í nóvember en Landsmótsnefnd og framkvæmdarstjóra tókst að halda algjörlega frábært netlandsmót.

Landsmót ÆSKP er eitt af flaggkipum félagsins það er markmið ÆSKP að vanda sem fyrr að því verkefni, æskulýðsstarfinu í landinu til heilla. Mig langar að enda á því að þakka framkvæmdarstjóra, landsmótsstjóra og stjórn fyrir vel unnin störf á árinu og hugrekki við að

takast á við nýjar, óvæntar og krefandi aðstæður. Landsmótið fór fram með breyttu sniði en það tókst ákaflega vel og netlandsmót ÆSKÞ „live landsmót“ væntanlega eina landsmótið á Íslandi sem haldið hefur verið með fjarfundabúnaði. Aðstæður á Íslandi eru sem betur fer að breytast og við skulum vona að Landsmót ÆSKÞ 2021 fari fram á Sauðárkróki nú í ár!

Þar sem ég gef ekki kost á mér áfram sem formaður ÆSKÞ langar mig að þakka stjórninni og framkvæmdarstjóra fyrir lærdómsríkan tíma og frábært samstarf. Ég ætla líka fyrirfram að óska nýrri stjórn til hamingju og velgengni í nýjum verkefnum.

Skýrslu stjórnar vil ég enda á bæn sem Eygló Jóna Gunnarsdóttir fyrrum djákni við Selfosskirkju kenndi mér þegar ég hóf mín fyrstu skref sem æskulýðsfulltrúi.

Verkin mín Drottinn þóknist þér,  
þau láttu allvel takast mér.  
Ávaxtasöm sé iðjan mín,  
yfir mér hvíli blessun þín.  
(Hallgrímur Pétursson)

Jóhanna Ýr Jóhannsdóttir,  
formaður ÆSKÞ